



16 DAYS OF ACTIVISM AGAINST GENDER VIOLENCE
16 DÍAS DE ACTIVISMO CONTRA LA VIOLENCIA DE GÉNERO
16 JOURS D'ACTIVISME CONTRE LA VIOLENCE DE GENRE
25 NOV - 10 DEC <http://16dayscwg.rutgers.edu>



INFO LETAK #4

Političko nasilje protiv žena – Političko nasilje – korištenje nasilja u svrhu postizanja političkih ciljeva – veoma često ima različit uticaj na muškarce i žene. Širom svijeta, žene su uključene u političke procese kao glasačice, političke kandidatkinje, zalagačice za društvenu i političku promjenu i graditeljice mira. Imajući u vidu višestruke uloge koje imaju, žene se mogu suočiti sa direktnim ili indirektnim napadima koji su usmjereni prema diskreditovanju, ograničavanju, i/ili sprečavanju njihovog političkog učešća. Dok muškarci takođe mogu iskusiti političko nasilje, žene se mogu suočiti sa različitim oblicima nasilja zbog tijesne povezanosti patrijarhata, militarizma i nacionalizma. Na primjer, žene mogu iskusiti nasilje zbog vjerovanja da one ne trebaju učestvovati u političkoj sferi; kao prominentne političke ličnosti, žene mogu biti napadnute zbog toga što se ne uklapaju u vizije idealne žene. Napadi na rodnoj osnovi mogu varirati od ponižavajućih komentara o ponašanju i/ili izgledu, seksualnog uznemiravanja, do prijetnji smrću i snažnih fizičkih nastraja. Ovakva situacija se dalje komplikuje u zemljama gdje su političke strukture usko povezane sa vojnim strukturama, ili putem “rotirajućih vrata” između viših ešalona vojske, korporacija i političara ili kroz vojne institucije koje imaju snažan uticaj na politička dešavanja. Ovi prostori su često kontrolisani od strane iste šovinističke kulture, koja postavlja dodatne prepreke mogućnostima ženskog političkog učešća.

Prije i tokom izbora žene mogu biti meta nasilja kao predstavnice svojih zajednica. Na primjer, silovanje može biti korišteno protiv žena čitave zajednice kako bi se sprovelo zastrašivanje i izvršio uticaj na proces glasanja. Napadi na žene i djevojke takođe služe kao strategija ponižavanja muškaraca koji ‘nisu u mogućnosti da zaštite’ ili ‘odbrane čast svojih žena.’ Tokom nedavnih političkih događaja širom arapskog svijeta, žene su odigrale ključne uloge u mirnim protestnim pokretima, i na mnogim drugim mjestima (na primjer, Liberija), učešće žena u pregovorima je pomoglo proces postizanja mira. Uprkos ovoj uključenosti, postoji rizik da žene mogu biti izostavljene iz razgovora o narastajućim demokratskim političkim procesima ili isključene iz političkih uloga u novouspostavljenim vladama. Osim toga, vlade mogu suspendovati vladavinu prava u “vanrednim” situacijama i periodima i označiti braniteljice ljudskih prava kao “teroristkinje” kako bi učutkale njihove glasove.

Uprkos političkom nasilju sa kojim se žene suočavaju, one su imale nemjerljiv doprinos mirovnim i demokratskim procesima i pokretima. Pored ohrabriranja žena da učestvuju u političkom životu, važno je osigurati promovisanje i podršku ženama lidericama koje slijede feminističke i pacifističke ideale. Rastuće učešće žena u činjenju nasilja vidljivim u njihovim zajednicama, u procesima donošenja odluka i promovisanju ženskih prava predstavlja osnovni faktor izgradnje novih političkih struktura i sistema usmjerenih na izgradnju mirnih i demokratskih društava. Podrška muških saveznika je nužan sastavni dio procesa kreiranja novih struktura koje otvaraju prostore u kojima se čuje glas žena i u kojima se žene značajno uključuju u donošenje odluka.

Yanarin izvještaj

Bagdad, Irak

“Iako su žene u Iraku patile tokom perioda od 8 godina nakon okupacije i najviše su izgubile u toku takozvanog procesa ‘oslobađanja’ Iraka, odučile su na početku arapskih revolucija da preuzmu politiku u svoje ruke i organizuju demonstracije na Tahrir trgu u Bagradu i u drugim gradovima Iraka. Naša organizacija, “Sloboda žena u Iraku” je aktivno učestvovala u organizovanju mladih na Tahrir trgu. Kao kaznu za ove aktivnosti, vlada je unajmila kriminalce koji su nahuškani na naše aktivistkinje. U petak, 10. juna 2011.g., oni su ih ponizili, seksualno uznemiravali i teško premlatili kako bi ih naučili lekciju da ženama nije mjesto u političkoj borbi na Bliskom Istoku i naročito u Iraku.”

Nekoliko aktivistkinja organizacije “Sloboda žena u Iraku” je bilo premlaćeno, izgaženo i izudarano i jednoj ženi je polomljen zub. Muškarci su pokušali da pokidaju odjeću ženama i nazivali su ih ‘prostitutkama’ i ‘komunistkinjama.’

Posjetite: <http://www.equalityiniraq.com/> kako biste pročitali više o napadima protiv organizacije “Sloboda žena u Iraku.”

Posjetite <http://www.youtube.com/watch?v=46SY0U9IQQQ> kako biste pogledali video zapis svjedočenja Aya i Ahlam iz organizacije “Sloboda žena u Iraku.”

Prijedlozi za akcije

- **Podržite braniteljice ljudskih prava:** Organizujte program na Međunarodni dan braniteljica ljudskih prava (29. novembar) kako biste podstakli diskusiju o načinima na koje braniteljice ljudskih prava postaju mete nasilja i povežite ih sa dubljim problemima koji doprinose toj vrsti nasilja (militarizam, koncepcije o javnim/privatnim podjelama i rodnim ulogama, kršenju društvenih normi od strane žena, optužbama nametanja 'zapadnjačkih' normi, itd.). Za više informacija i resursa o braniteljicama ljudskih prava, molimo posjetite: <http://www.defendingwomen-defendingrights.org/>
- **Monitorirajte medije:** Mediji igraju važnu ulogu u ostvarivanju uticaja na politike, izbore i percepcije javnih ličnosti. Pokrenite projekat monitoring medija: Šta mediji govore o ženama u politici? Kako mediji portretišu žene koje su javne ličnosti (na primjer, da li je fokus više na izgledu žena? Da li se o ženama primarno govori u vezi sa muškarcima, na primjer, nečija žena, kćerka ili sestra)?
- **Mreže:** Izgradite jake veze sa medijima – radite sa medijima kako biste širili ključne poruke o nasilju nad ženama i militarizmu. Organizujte treninge za aktivistkinje, političarke i medije kako biste naučili žene kako da efikasno koriste tradicionalne medije, nove društvene medije (Fejsbuk, YouTube, Flickr, Twitter, blogove, itd.) i poruke.
- **Kreirajte sigurne prostore:** U susret izborima, zalažite se za dostupna i sigurna glasačka mjesta u vašoj zajednici. Ukoliko postoje bojazni da će policija ili vojska uznemiravati građane na glasačkim mjestima, razgovarajte o mjerama bezbjednosti u zajednici i načinima prijavljivanja nasilja nadležnim organima koji provode izbore.
- **Ojačajte političko učešće žena:** Organizujte trening za žene koje su zainteresovane da se kandiduju na izborima, pokrenite mentorstvo i podržite mreže koje povezuju iskusne političarke i nove kandidatkinje i ohrabrite mlade žene na političko djelovanje.
- **Promjenite fokus:** Osnovni cilj Rezolucije Savjeta bezbjednosti UN-a 1325 (http://www.un.org/events/res_1325e.pdf) je da osnaži veći broj žena da učestvuju u liderskim ulogama u sprečavanju i rješavanju sukoba. Međutim, mnoge vlade se fokusiraju na ohrabivanje što većeg broja žena da se uključe u vojne strukture. Tokom Kampanje 16 Dana aktivizma protiv rodnog nasilja, lobirajte vlade i fondacije da svoje prioritete usmjere prema unapređenju učešća žena u mirovnim procesima i politici!

Resursi

- Barcia, Inmaculada. (juni 2011.) Hitne akcije za braniteljice ljudskih prava pod rizikom: mapiranje i preliminarna procjena. AWID & Međunarodna koalicija braniteljica ljudskih prava. <http://www.awid.org/Library/Urgent-Responses-for-Women-Human-Rights-Defenders-at-Risk-Mapping-and-Preliminary-Assessment>
- Jones, Rochelle. (30. juni 2011.) "Žene stvaraju promjenu na Bliskom Istoku i u Sjevernoj Africi." <http://awid.org/eng/News-Analysis/Friday-Files/Women-Making-Change-in-the-Middle-East-and-North-AfricaResource>
- Moser, Caroline O. N. i Fiona C. Clark. (2001.) Žrtve, počinioci ili akteri? Rod, oružani sukob i političko nasilje, Nju Delhi: Zubaan (dostupno na Google Books).

Web stranice

- iKNOW Politics: <http://www.iknowpolitics.org/>
- Inter-parlamentarna unija (IPU) Odjel za žene u politici: <http://www.ipu.org/iss-e/women.htm>
- Međunarodni institut za demokratiju i podršku izborima: <http://www.idea.int/>
- Nasilje protiv žena u politici (sa sjedištem u Južnoj Aziji): <http://www.vawip.org/>

Translation provided by Aleksandra Petrić, United Women Banja Luka

<http://www.unitedwomenbl.org>

